

德望

勁直

得體

孝友

講讀

教子孫

諫諍

賑親族

後自警言編

射

後目錄

卷之五

德望

德望

得體

成公善在政府二十四歲

親戚咸不

講讀

給更流事循理規模遠

不

諫諍

容鎮靜得大臣體自

勁直

無大小以至宮闈之密

孝友

言而安既退未嘗言所

教

宗通稱公識局宏深善

賑

時或有被叙更變舊制

族

更制不敢輕叙持論平

孫子

恕而及叙大事不

朝

暮

春

秋

冬

夏

春

秋

朝

暮

春

秋

冬

夏

春

秋

自

後自警編卷之五

德望

黃翼成公喜在政府二十四歲務遵祖宗成憲不
喜紛更處事循理規模遠大綱舉目張事無不治
從容鎮靜得大臣體自太宗至世宗眷倚甚重
事無大小以至宮闈之密苟有難斷必召咨之公
片言而定既退未嘗言所議於上者其事卒不聞
世宗每稱公識局宏深善斷大事至擬之龜蓍權
衡時或有獻訖更變舊制者公必曰臣之變通凡
於更制不敢輕訖持論平恕而及訖大事面斥是
非毅然不可奪異訖者愧屈人皆倚公為重年至



九十聰明不少衰朝廷典章經史子書若燭照筭
數雖壯年強記者亦不敢企也論者稱我朝賢相
必以公為首而勲業德量比宋之王文正韓忠獻
公墓誌

申文僖公槩天資明敏學問精詳端方有守清介無
華自筮仕備歷中外居官莅事施無不可在臺諫
封章抗疏有古爭臣風位長六卿政務寬簡持大
體八政府吐以國事為心朝度暮思獻可替否
有所建白言聽計行責歸太平公之為相可無愧
於古人者矣

行狀

南忠簡公智龜亭公長子議郎公之長子也生而神

異不肯示人以能讀書七行俱下過目不忘不屑
科舉未嘗入場屋而自少人皆以公輔期之蒙遇
世宗大王超擢不次倚任甚重文宗大漸受顧
命輔幼主多所建白適移疾家居而卒其功烈德
業今雖未詳而名臣之多用捨之當莫盛於世
文之際而當此時位百僚之上受六尺之托則其
為人可知也

事宗

許忠貞公琮以遠接使還于境上董越等尚矜持視
人蔑如及公入謁長身王立衣冠偉然兩使瞿然
起立不覓屈膝禮罷兩使相目曰堂上我若人自
是嚴稜漸消及還依二不忍別至滄出口望公早

時來朝使中國知海外有此人也還朝嘖三播紳
間曰所不知者天上人間則無雙聞者無不想望
風采其後使來入境首問起居及見公歛容屏氣
送迎翛翛如不能當公魁顏廣頰美鬚髭身長十
一尺二寸姿表出於千萬之人上望之儼然如秦
山喬嶽即之溫然如祥風瑞日不怒而人自畏不
言而人自服資兼文武望隆朝野以身係國家輕
重者三十餘年開國百年以來罕有其侶擬諸古
人其裴度韓琦張浚之流歟

鄭文翼公風骨奇偉肱次恢曠外和內剛早負公輔
望沉厚寡言笑自奉儉素如寒士公退則坐一室

讀書史不事營殖不通閔節尤不喜拜色局量恢
恢光明正大非意挫辱曾不少撓忠君憂國之心

老而愈篤以身係安危輕重者殆三十年名臣錄

李相公浚慶嚴毅峻直孝友忠信出於天性聲音如

洪鍾眼光如紫電廉潔無私人莫敢于學文該博

遇事立斷當明廟昇遐之日椒親用事人心疑

懼公毅然不動朝野賴以無憂焉本朝賢相黃喜

許稠之外鄭光弼之後惟公一人而已松窩雜記

宣廟朝當倭酋之耽二西伺也朝廷莫覓非惟朝廷

莫覓其泛使之回亦莫覓其欲直犯上國者著於

書契中而猶不欲奏聞師尹斗壽請據事具奏曰

臣之於君直當如此他不暇論旁引經說確甚
上竟從之以復我朝二百年 宗社初則乍擯於
論說中不容朝後拜相西巡之日垂紳整笏立於
百僚上儼然人仰而望之也能獻可替否於殿陛
之下毅然君倚以為重能宰物平施休二有容綽
然於進退之間能寵不加榮辱不加挫慨然於休
戚之際此功此志非管樂以下人所能覩知也雖
知者豈料末年事業如是卓然予事有合不合假
令早位岩廊則安知可以弛壬辰之亂而亂作之
後始得公弭之信予其繫遭逢哉

上同

崔完城鳴吉曰象村當反正之初被起擢在相位者

首尾六年時訖喜作事而公專事鎮定時訖尚刻
核而公專尚寬容時訖好訐直而公專務忠厚與
年少輩動輒矛盾謗訖頗多公聞之不以介意後
輩亦以公清德雅望不敢以所尚之異而輕視公
也一時當軸者非再造元勳即先朝宿望而清
名直節之士咸在朝列氣勢頡頏論訖橫生權均
力敵門廷甚多公雍容其間善為調停賢者有所
恃而增其氣不賢者有所憚而斂其迹此其立朝
大略也若掇拾些小施為以為公之相業則淺二
矣

得體

黃翼成公喜為相金宗瑞為工判嘗會于公處宗瑞
令工曹略備酒果而呈之喜問備出何處下吏對
以工判慮日晏諸位虛腸暫使公備耳喜怒曰國
家設禮賓寺於政府傍者為三公也若虛腸則當
令禮賓寺備來矣何必私自公辦乎欲入啓請罪
諸宰救之乃止致宗瑞於前而峻責之金相克成
嘗以此事啓於經筵曰大臣當如是而可鎮壓
朝廷

東閣雜記

太宗命汰冗官所汰者甚衆朴嘗訖汰諫大夫一貪
以啓矣尹文度公淮謂元肅曰冗官固當汰然可

汰而未汰者尚多諫官豈冗官乎昔宋仁宗慶歷
間銳意畜治增置諫官四員史筆書之以為盛德
且前朝官制諫官凡十三員今只七人已為省矣
又欲減其一無乃不可乎上新即位首省諫官
後世以為何如甫以啓上深以為然從之國朝寶鑑

申文僖公槩端方有守太祖朝選授翰林太祖

欲見宋錄公抗疏論其不可太祖止之神道碑

成化己亥奉皇勅征建州衛大捷魚世謫為奏聞

使仍敵俘至遼東太監及提兵官都御史等語之
曰被虜人及首級何必並獻京師首級則付邊鎮
人口則付親戚不亦可乎吾等當具由奏達世謫

曰敵讎王庭古也奏捷而無其宗將何以驗往復
數四竟不從三大人為設宴公揖而不跪御史云
何不跪飲荅曰我奉殿下之命來朝京師諸大
人特設宴以禮慰我耳我焉得跪飲東閣雜記
成化壬寅成廟幸光陵仍拜影殿于奉先寺魚世
謙以大司憲扈從寺僧欲饋百官世謙諫曰以堂
堂扈從之臣受僧施食於國体何況百官皆自費飯
不患無食上曰任爾不食世謙與金諫皆不食

上同

許右相琛遷大司憲遇事敢言朝綱頓肅然持心平
正不容私意於其間故人愈信服而固有怨者皆

以為近來任風憲得休無有如公者

行狀

李_{世英}律身清儉不隨世低昂國法都承旨與政批
故多所聞請世英為承旨獨拱默不言政曹堂上
嬖其自擅告曰令公何不一有所言公曰奉寶璽
出納王命承旨之任若其進退賢否各當其才
有司在焉同列愧謝及安潤德繼公為承旨不旬
月官其姪_{舊恩}殆盡時人尤重公之介焉

陰崖
日記

慵齋叢話云如有奉命出使者則朋僚皆邀迓設
酌又於發行之日亦皆出郊送之雖勲貴大臣未
免俗態惟洪益城應承命詣闕而已他無所詣亦
不曾迎餞至於赴京之使及各道監司界行之日

遣錄事持一壺往餞之時人以為真得宰相之体

鄭翼惠公蘭宗以衛將環侍殿庭上令小臣揮羽

扇以召諸將餘人爭奔恐後公獨不應上更令宗

臣直舉公名以召之三召竟不動蓋公以為此非

召將之道也上常念公可任為將見其持重益

奇之

名臣錄

李容齋符為博士官博士官乃師傳之職必選一代

碩德公於講論之際應答之辭皆出人意表世子

問及治國之事公對曰非今日所當問因諫孝敬

之道論者服其得休

行狀

容齋拜相之日公乃流涕曰無德而位高何以堪之

痛自遜抑子弟族親有求官者輒拒之曰朝廷官
爵豈宰相施恩之具邪常以王曾恩出怨敵之言
為得宰相体由是僥倖者或怨之上同

鄭文翼公當清流將設賢良科也三司亦並請之公
獨以為不可曰賢良之名雖善在三代之下固不可
為也 中廟不聽及諸賢乍死之後所立善政一
切反之舉朝請罷賢良科公亦以為不可罷也
中廟謂公曰設科之初舉朝皆以為可而卿獨以
為不可設也今之將罷皆以為當罷而卿亦獨以
為不可罷也卿之所見每與時詎相反何歟公對
曰臣於當初固言其不可為也今既設科給牌除

職安可罷予一設一罷國家政令不宜如是之顛
倒也 中廟亦不聽公之所言雖未見施於前後
而直截難拔之氣真無愧於古之大臣者矣

松窩雜記

中廟時聞

皇朝將討建州衛徵兵於我國以李苞

為都元帥張彥良為副元帥時林亨秀以吏曹郎
為從事以親老辭於李苞二曰言于副帥林授謁
於公二戒服坐交倚林急具戎服與他從事行禮
不敢交一言而退未幾事寢後林又來公出迎于
門揖讓上座盡歡而罷

名臣錄

金慕齋每以試官八場屋考試精深務得人才必經
十五日出榜至今稱之 先王朝已亥別試余與

完陽府院君李忠元偕為考官李公常言國家以
擇士之柄付于我等何敢不盡心若有厭怠之心
考校不審失落人才必有天殃凡試券中雖甚鹵
莽不堪讀者必盡篇乃已過旬日始出榜甚得考
官之休矣

芝峯類說

當癸未邊警方急洪文僖公彥弼以領府事合坐賓
廳公自經草土氣常沉困坐必合眼矣兵曹判
書栗谷李公進謁公合眼而問曰誰也答曰兵曹判
書李珥也公曰當此之時國家多事兵務最緊聞
公勤於奉職深用嘉悅更可加勉盡心國事李
公拜受而退謂人曰大臣体面今日見之矣

芝齋遺說

李相國浚慶為首揆時白公仁傑為都憲公與相國
有少時同榻之分以草笠布衣乘昏投刺相國迎
謂曰今公何以便服來訪我予公曰日已昏黑且
特宿昔情眷敢以便服唐突相公曰憲長出入領
相門雖暮夜人豈無知之者便服相尋駭人見聞
願令公速還公慙汗而退

續玉露

李東臯浚慶為領相當都堂弘文錄圈點時以筆抹
其子德悅名曰吾子之不合玉堂吾知之詳矣人
皆服其無私得大臣體

荷潭野乘

宣廟御經筵領相盧守慎與修撰金誠一八侍金公
啓曰領相盧守慎受人貂皮長衣豈意盧守慎有

如此事也。盧相避席，竢罪曰：「金誠一之言是矣。臣有老母而多病，每於冬節不能耐寒，果求貂皮於族人，遣帥處以給老母矣。」宣廟兩美曰：「大臣全諫，俱得體面，予甚嘉焉。」盧相素與金公相切，自此益加敬重。

竹窓閑語又出沿溪記，聞而以領相為吏判。

朴文忠公淳壬申拜右諫政，其年新天子即位，公

進賀朝京故事，外國進奏者率令由挾門。八公爭曰：「陪臣出入既聞命矣，若表文則奏御至尊，豈宜由挾門？」禮部不能難許，入正門，遂為定式。留館日，禮部主事問開市，公曰：「寡君無所貿易，開市何為？」

華人稱之。

行狀自述所撰。

柳西厓成龍已巳以聖節使書狀官赴京師將入

班序班引僧道二流序於前列公謂諸生曰諸君冠章甫顧反居彼後予諸生曰彼有官故也公招序班謂曰吾輩以冠裳之人不可立於道釋之後班序言於鴻臚郤二流置後廷中動色

名臣錄

李相國元翼壬辰亂作為平安道都巡察使宣廟

次龍濟公任安州肅川間以當賊衝時都元帥金公命元及韓公應寅權公徵并稱都巡察使與公等夷聯坐一行公力言其非請都元帥統御三都察公先自降禮具軍服謁拜迎送由是弭令有所專矣

謚扶

漢陰嘗因事有東宮內旨公對使者不開見封還曰
有可問之事則當於書筵下教不宜私有密旨故
臣不敢開見古人有封還墨勅者有封還內批者
公之相業可謂無愧於古人矣

遺事

癸巳四月都體察使柳公成龍都元帥金公命元在
坡州一日提督家丁自龍山馳來相見曰提督令
議政留此元帥則與我同往龍山命元荅曰俺在
此亦有所任豈可因口傳容易出去若有提督之
命則必有文書願出示之其人曰別無文書提督
分付如此強欲同去而命元終不去其人不得已
獨向龍山

懲錄

朴大司憲應男長諫院大行王發引禮曹議以為同
山日尚遠宜令從官還都及期以出又議於虞祭
亞終猷其間稍久宜自上設幕次少休公 啓曰
惟大行王在位二十年仁深德厚舉國臣庶孰不
被其恩澤而一朝弓劒遽遺群臣攀號悲痛莫及
况當今日欲使梓宮獨留於喬山風露之地其為
臣子者乃敢偃然還處於厦屋是豈可忍為而亦
豈有是理哉請勿令從官還都虞祭時幕次蓋慮
玉体勞動而設也然竊伏念奠猷之間設節無多
祭享事不宜苟簡况當嗣服之初宜從祀制以服
民心請勿許出休 答曰所啓甚當祀官設非是其

允之時論莫不歎服至或有讀之掩涕者

行狀

月沙李文忠公當癸亥反正之日李公貴遣庶子言
舉義事俄有命牌綑而李時白張紳來言公初聞
闕中有變蒼黃驚起及聞舉義猶不敢即進又未
聞舊君處置家人進酒涕泣不食肉書小紙送于
李公貴曰先奉大妃以大妃命會百官為得休
翌日朝乃進于昌德宮上命公往慶運宮西廳
十五日以公為禮曹判書知經筵事承命署進
御押置判義禁府事

行狀

李忠翼公時白

賜茅階上舊有一朶名花名曰金

絲洛陽紅世傳來自中華忽有人寧後夫來公詰

其由乃掖庭人承命欲採移其花公自往花間
并取其根碎之垂淨而言曰今日國勢莫保朝暮
主上之不來賢而求此花何也吾不忍以花媚君
而見國之亡須以此意啓達也後上待公益厚
蓋嘉納其進規之意也

行狀

劉海至固請進見許之海既進見上坐榻上不動
海立不肯前怒色勃余時侍殿上不勝憤趨進
啓曰劉海無礼上一一起則國體虧損大事去矣
請斥海使出進說者甚衆皆如余說海素黠便解
其意即前就坐後海自虜中脫身故正在皮島每
言其時事稱我國得休云

谿谷漫筆

迺誅張睨，飭西來諸將俟。大駕還京，迎拜於江
上。而鄭忠信獨下，故來辭於李時發。時發曰：「諸將
皆留，公不可獨。」故忠信曰：「忠信以西路將兵之臣，
不能即誅反賊，使大駕播越而達兵八城，其罪
大矣。何敢自若有功者？」迺駕於江上，退，故本鎮
以俟朝廷處分耳。上還朝，聞忠信還，故特下
聖旨召之。其明敏如此。

荷潭破寇錄

講讀

李文康公石亨，自因真德秀《大學衍義》，刪其經書之言，約其諸史之文，添入麗史之可為勸戒者，為一書，名曰《大學衍義輯略》。請於經筵進講。上嘉納之。公之意，以為經書時方講進，高麗之事傳聞所及，鑑戒最切。故或刪或約，或添之。其於觀覽，不無有益。然論者以為經以載道，皆聖人之言。德秀之編，皆非苟為。今盡刪去，於義未安。因舊衍義之文，添入麗史庶幾近之矣。筆苑雜記

崔司成池登第以後，多任外職。世祖十一年，聚文士于慶會樓下，試藝。池長吟，緩步行至後苑邊，逢

上微服出苑中崔長揖不拜上問曰汝是何人
擅入內地無禮於我崔對曰我文士也宮中但為
上而已豈敢別禮於子乎崔於是心知非凡人必
王子也躡坐路傍上曰汝非原壤乎何其躡俟
俄而侍女內豎繼至崔驚怖謝罪上即御序賢
殿呼池講論經史隨問隨對經史奧旨一一精解
上大喜手賜危酒崔快倒數巡顏色自若上曰
此儒精於理學恨其得之晚即拜池為司藝壩齋
革話
丘從直者草野人也少入館下齋時生進二十餘人
請一善卜人決平生禍福終至丘從直卜者再拜
曰此教法當至正一品壽踰七望八大富貴也諸

君二十餘人皆不及也衆皆大笑之後從直捷文
茅分校書館直宿聞慶會樓絕勝心欲觀之直夜
便衣入數門至樓下臨池散步俄而成廟乘便
輿從數宦者從後苑戾止惶忙伏輦路下上問
誰也從直對曰校書館正字臣丘從直也上又
問何以至此對曰臣嘗聞慶會樓王珪瑤池乃天
上仙界也今幸豹直藝閣幸與樓不甚遠故
草野之臣敢此偷看耳上曰爾不可以便服見
我其以衣服冠來從直即取着而進上命設交
倚于樓下命從直來前問汝能歌乎對曰臣少學
謳謠然擊壤之歌豈合群律上曰試唱之從直

曼拜長歌

上善之又命之激厲高唱拜震屋梁

上大悅又問能誦經傳乎對曰臣能記春秋上

命誦之應口誦如流終一卷上大喜命賜酒而

罷翌日上特拜大司諫除目下人皆大恠三司

交上章極論上不俞過五六日上御便殿盡

召三司官入又命丘從直來上命小宦者持春秋

來自大憲以下命使誦之無一人能記一句上

召從直入始命誦茅一卷已亂抽他帙問之無不

應口誦上曰止仍謂三司諸官曰爾輩不能誦一

句來猶踉蹌貫有如丘從直者豈不當此任乎爾

輩皆退又命從直即肅拜出仕後官至正一品壽

七十九 青坡劇談

靜菴趙公每當講前夕端坐熟讀如在 上傍至曉
易眼而進肅然對越冀必感動於 上開陳治道
別白事宜自性情善惡義理之辯天人王伯淑慝
之分與夫宗學備邊之虛宗祭祀興隆之得失莫
不傾倒羅列日昃忘倦 上必專心竦聽多所稱
善 神道碑

思齋撫言云余嘗以弘文館校理兼帶經逡進講綱
目東漢獻帝紀李確郭汜汜字音出似字以似
音進講後 上讀用汎音余恐 上誤讀訓汎更
啓曰音出似字 上曰曾出汎似二音余惶惧汗出

沾背罷講退出即考郭汜名始見處果出汜似二
音益復兢惶待罪盖余以布衣才疎識淺濫叨甲
科纔決旬忝選為修撰曷見同直僚貲當進講乘
暮八來取講書讀數遍只句讀目前不聞首尾及
進講亦如是余亦不免流俗致有此失仍悔悟不
敏之罪其後自校理歷典翰有提學必取所講書
從頭至尾歷覽考問無有闕疑每當入直蓐食早
進又與下番僚貲終夕徹夜廣考諸書質疑論難
快足於心而後進講僚貲有或笑以為固詭然為
講臣職分當然也雖冒笑不已後又不意承召入
丕顯閣侍夜對講畢後上命同講曾讀事跡講

官相問荅論難余以曾所歷覽講論無誤舊例有
經筵則前夕出直講官絕所講書付標紙入內諸
侍講奉入書冊書吏依入內冊付標之入直講官
現標預詳音義進講成廟朝閱斯文頗以直提
字入直書吏誤付與御覽絕標相異當進講
上曰讀甚處非付標冊面自某語以下讀之可也
閱披視之文義適艱險未能著口訐無所出起就
前俯伏曰臣也無學術文理亦有未解僥倖科第
濫叨非分常值八直日則早夜仕進講之書多有
未解質於同僚僅得解義餘力未及他面書吏
誤付冊標承上教披見則文義適險口不能讀

臣之不能堪任至於此極死有餘辜請治臣罪仍
罷講上還內傳曰某言直子甚嘉之其特加通
政其後在廢朝金_{斯文}勾以應教洪贊成_叔以修
撰入直當進講金忽氣痞不得出拜廢朝命先出
又命修撰代講洪公自以下番進講非已任不致意
忽遭變故僅辯句讀流汗而出後又今上朝金
知事世弼以典翰入侍吏又誤付冊標如閱事適
值大學衍義掠切諸書斷章取來最難曉處左右
失色金該洽經史性且穎達燭理無碍雖不宿覽
從容閱讀無所錯誤縱橫出入教行推明論說無
欠左右歎服經筵官不閱講書首尾臨時取具目

前倉卒遭變事蒼黃失對誠非細故可以為講臣
之戒伊川每當進講必宿齋願戒潛思存誠冀以
感動上意臣子用心當如是也

仁宗在儲位學就高明春坊左右皆極一時之選任
公權講說詳暢音吐清亮仁宗每注聽為書迄
論難之辭日必錄啓中宗見公勸戒之語曰輔
導之臣固不當如是耶

名臣錄

盧文孝公植以弘文修撰被召俄陞副校理公初去
館即補外未曷叅近密之地一朝入侍經筵人皆
慮其或踈於講論敷奏之義及侍讀清婉閑陳曲
當領事尹溉出語人曰真侍講也嘗於經筵進講

綱目及王蠋去國事

上曰賢士而去國不知君

臣之義也公啓曰去國者何嘗忘國不能忘國而
敢於去國其情誠可悲也諫不從言不行而去國
則如王蠋者能諫事君之義者也齊之亡也在列
之臣無一人捐身致忠而退野之王蠋師能抗節
徇國此去國者不負國之驗也蓋是時李退溪累
辭召命明廟頻懷疑阻故上教如是公之指

陳剴切可謂臨文善諫者也

東儒師友錄

鄭恒齋宗榮當八經筵堂吏來呈進講之冊則必明

燭熟讀齋戒易服不敢肆然安睡

上同

明廟朝趙叅贊茂秀以特進八侍經筵上問工夫

二字何義左右皆不能對趙公進曰工女功也夫
田夫也言士之勤學如女之勤紡績農夫之力稼
穡也 上嘉納 宣廟初日三開筵柳眉菴希春
以副學呂進講 上雅重眉菴之博學顧問亶曰
日昃不倦呂講詩傳碩鼠篇 上曰鼠乃賤惡之
物何以居六甲之首眉菴曰鼠之前足四爪後足
五爪陰陽相反無如此物故取夜半陰盡陽生之
義以子為十二時之首矣 上深異之 竹窓閑話
朴大司憲應男長銀全 宣廟初御經筵進講蔡氏
書傳公遂進曰筵臣請講是書案非偶然計茅聖
學工程自有次茅先讀大學以立其規模次及論

孟以究其蘊奧要以統會故趣於中庸則尺度權衡無不各有定理然後進講經傳兼讀大學衍義為當仍達修己治人之要本末明備復陳列聖好學成就之效目今內藥房即古之進賢殿也臣聞文廟與諸學士討論日異或乘月步至直廬相難至夜深不倦以此諸臣朝退不敢解帶其勤學好賢千載所罕伏願殿下深体此意日與儒臣討論以進聖學後上改講大學其次茅一視公所進言

行狀

宣廟即位辛副學應時每經遙進講音韻洪暢討論詳明至於理亂安危之撓引論古事開陳剴切一


此是權公副提
學德興字致遠
之事而碑銘在
於月沙集後當
更考明廟壬戌
第安東人以李
公書惡誤

日上問皇明通紀甚是好書公啓曰 殿下從
何得此書乎遂中所講書外一切勿觀可也况其
卷末所論有傷統序蓋以朝廷方設私親典禮而
通紀篇末極論興敵帝追尊之當理大槩 宣廟
初服輔導啓沃之功公宗居多焉 慈殿嘉之賜
以表裡 行狀
公迂騫盛玉堂將進講必宿齋以入拜音清亮論
議剴切務以誠意格君柳公希春常曰如某者不
可一日難講席 宣廟初載誦詩訪落篇仍陳敬
之二義又舉程子天德王道之語論謹獨之功同
時登對者出曰真講官也 碑銘

沙溪先生嘗講家禮親迎條附註圍布几遙處同言
昔松江一日挾家礼來指示此註曰吾反覆窮考
終未曉解願賜詳說余一一說罷則公甚喜曰今
得破布韋甚一一未竟自經遙直來見余笑謂曰
今日遭逢一奇事矣進講訖後自上出家礼下
問曰此處予累次尋繹而終始阻塞諸遙臣試為
我講說雖翰注苟有知者勿辭乃昨者所問於君
者也諸人皆以不敢知為對吾一一句絕而釋其
義自上教曰大段灑然矣再三稱歎仍曰予於
書未有若此註之艱阻者也謂遙臣曰某官之高
多事之人而猶且留意於書而諸人何故不能然

耶諸人皆慚謝吾幾欲言臣亦不知昨者學於金
某而知之云矣到口而終不敢達矣既退追送賞
賜此宗君之功也可分受也

九菴所撰語錄



諫諍

申文僖公緊在諫院見事風生知無不言時政府署
事權在大臣公上疏極論其不可辭甚愷切太
宗親讀疏顧左右曰豎儒不識事体妄言大臣擅
權公論下不屈大臣皆股栗未幾罷訖政府署事
後又屢折大臣時論韙之上常曰某有諫臣風
碑銘

李文康公石亨拜大司憲先時憲府以言事失誤多
見貶黜及公長府論訖侃然有振起顏綱之
志一日疏劾一大臣貪污不法狀詞甚激切疏上
上歎賞無已即引見公命進爵降御榻握公手曰

向使前任是職者皆如卿予雖欲貶之得予同以
其疏示左右曰此李某疏也今不得庇護某也即
允之行狀

鄭叅贊甲孫屢以直言犯上朝中肅然時河政承演
無判吏曹崔宰相府為政判一日朝啓二畢臺諫
以上以次出公進曰河演崔府母退司樞陳政事
之失演與府俯伏流汗不敢出一言退而見河崔
談笑自若無幾微辭色時論偉之

青坡劇談

許文敬之茅曰倜傥補官至二品嘗為司憲府持平
世宗末年頗作奉佛之事欲於僧寺親祭忌辰公
論諫不納即率吏隸擊破文供以沮其行遂亡匿

俟

上怒霽乃出

丙辰丁巳錄

侍從封章始盛於李文烈公李甸文烈在集賢殿屢

欲封章論事有一二同列官居文烈之上每沮之

曰自古喜論事者終受禍况我侍從者講論德義

啓沃輔導而已至於諫諍非職也君勿好事文烈

曰人各有心論事之敗之榮不如含默之恥之深

耶遂寧下僚抗疏極諫者非一再矣而上官終不

署名物論譏之每進封章世宗曰李甸之疏又

來矣遂有大用之志尋擢同副丞筆苑雜記

魯山幼冲嗣位光廟為領訖政以宮內孤虛且為

繼嗣之重從權制議定納妃又以為喪中納妃已

是不服喪其宗亡矣脫服即吉可也魚孝瞻為禮
曹叅訖抗訖納妃雖以宗社大計不得已而為之
短喪有何不得已而強之乎條辯不少屈竟不見
用

東園雜記

梁文襄公誠之在集賢殿屢封章論時事諸君曰若
不忤時務不必陳瀆如此文襄曰朱晦菴在宋光
宗時立朝四十六日疏數十上予侍從踰十年疏
未上數十君何云爾也

華苑雜記

金文貞公謹為大司憲也上為方懷墓立孝思廟
公率金諫執以為非成廟意迂立十餘日無倦
色親自剡章言甚忤至上問前憲長知母子之

情卿獨不知何也公對曰前長但知有母不知有

父也時論偉之

東儒錄

成明肅公俊燕山戊午為領相主外若敬重內窠忌

憚一日內宴見妓妖艷身押之公曰老臣不死

殿下決不得如此主憚而止甲子終被禍

名臣錄

燕山之復廢后也命收議于宰臣虐威殺戮人莫敢

異言獨三槐堂中從護抗論廢后得罪先朝遺教

著在令甲不可與鈎弋甄后并論多引經傳以證

論議甚正雖以燕山之暴不能加罪

涪溪記聞

弘治甲子燕山欲以非罪殺沈順門問於群臣自三

公以下皆莫敢異訖成大諫世純曰吾等職在諫

官安可默然而已金獻納克成曰官以諫為名見人無罪而死縱愛身不言柰負國恩何李正言世應曰獻納言是或曰若不順旨必與順門同死終無益也公與克成談笑自若曰死生大矣各任其志可也今日先死者必吾兩人次者正言也遂啓其罪之狀燕山雖不聽用亦不之罪

祥官雜記

朴适拙漢枉拜獻納一日入侍進諫遊宴等事曰自

祔

太廟後

太廟及諸陵殿一不親祭而遊宴

無常至繼以夜其於孝思如何燕山曰近有眼疾未能行云進曰後苑內馳馬擊毬張龍鳳帳幕於遊宴時多矣殿下何以有此教乎燕山勃然

褒色曰龍鳳帳幕是甬之帳幕子復進曰此皆由民力而出雖謂之臣民之帳幕可也豈君上自私之物乎又論盧思慎任士洪等事竟為二奸所陷

東儒師友錄

權通之名達手為校理燕山主議尹庶人立廟事大作威鉗下主所欲莫敢忤通之慨然訟以非先王意館中不敢異主怒皆杖流久而怒彌甚玉堂金諫中首其論者將極法之時追治舊事仇搗倡言者日滋酷刑皆旁推先死部發朽壤以苟免獨通之自引伏不為負亡僚自活計并金貪先發者鉄鎖已久獄吏哀之曰與其兩死寧故之一而一生

之為金者候丞吏旨更言玉堂先於金通之張目
熟視曰某乎二爾果效我而為之耶即奮筆書
供曰不肖臣達手敢為之不可苟隱以偷生供畢
顏色不變與之酒立盡吸就刑如平常人莫不歎
傷之龍泉談寂記

朴闇字仲說選入弘文館四遷至修撰在經筵者
五年遇事必言不少避燕山憚之宰相亦不悅也
館貪冒論西邊等城不利被問公陳其不可問狀
疏劄日三四上語皆激烈在列咸恐公奮曰禍福
天也臣道之所當盡者忠也盡吾道而得禍亦非
所惧也爭之愈力竟允其請名臣錄

已卯十一月鄭光弼方為首相時南袞將搆陷趙光祖等諸賢詐稱南書房著草笠鹿布衣足穿破屨步至公第呼門者使入告但言客來門者認其貌知其為袞也入告曰有客到門觀其貌是南判書但衣冠草笠如賤人公大驚顛倒出見則乃袞也恠問曰公何為此耶袞道其所以母曰此輩若留一人其害無窮上今日必招公訟之公可勉從上意除去無遺然後國勢得安不然多有後悔不可不深思處之或以危言恐動或以甘言誘之公正色曰公以宰相為賤服歷都市而來大是可愕事謀害士林本非余心可忍為此乎袞大怒拂衣

而去有頃承召詔闕哀已贊成其事為一打盡除
之詐罷物已具於庭公入侍涕泣淚垂兩頰衣袖
盡濕諫曰年少儒生不知時宜妄欲引古施今而
已豈有他意少垂寬貸請與三公訟罪上遽起
還內公趨進引御裾叩頭乃命下光祖等于獄召
左叢政安塘公仍與塘共請與朝廷訟罪反覆伸
救分配有差

安塘已卯錄

壺位未定淑儀朴氏罷冠後宮欲援章敬之例自陞
中位上欲從之而不知大臣之意如何全懇辭
求之於鄭光弼金應箕申用溉等試覘其意光弼
獮奮然不許曰正位當更求淑德名門不可以側

微陞遂以真西山大學衍義齊家之要范祖禹擇
后之事進諫朴氏之意遂沮上意亦定於納新
妃士林間之相語曰鄭光弼此舉雖宋韓富無以
過也

寶錄

會寧城底野人東古乃者潛與深处野人通謀來犯
甲山府多掠人畜邊將治之亡去南道兵使蜜
啓東古乃於甲山近處潛往來漁獵徒衆難捕請
出其不意發軍掩捕朝議先密諭于本道命遣李
之芳同監司兵使捕獲置法上御宣政殿賜宴
及御衣弓矢三公及該曹知邊宰相環侍靜菴先
生時為副提學請對進曰此事譎而不正殊非王

者禦戎之道正類盜賊穿窬之謀以堂三大朝為
一么麼醜虜敢行盜賊之謀辱國損威臣竊恥之
上即命更設左右爭進曰兵家有奇正禦戎有經
權臨機制變不可執一論也詢謀已同不可以一
人之言遽改也兵曹判書柳聃年進曰耕當問奴
織當問婢臣自少出入北門彼虜之情臣已備語
請聽臣言迂儒之言勢難盡從上猶不聽諸宰樞
皆懷不平而罷

戊寅年金諫請革昭格署累月不允弘文館亦逐日
論啓靜菴先生時為副提學一日率僚貲詣政院
告承旨曰不蒙允今日不可退家日暮金諫皆退

去玉堂仍留不出終夜論啓至鷄鳴得允乃止

以上

退溪荅靜菴先生
子容別紙

蔡公世莫已卯禍作聞變赴闕首相鄭光弼在坐趨
問事所由則曰不知也移就南衮問之衮嘆曰鄭
相顧曰史氏茅紀所見時金謹思以假承旨將改
罪案遽棄公筆公急起棄還曰此史管非他人所
得用仍白上臣非諫官出位有罪此等胡大罪今
乃爾耶顧問罪名右相安塘在外不得入請呂訖
左右縮頸安相亦惧公不免時顧而咳目攝之鄭
公迂爭之強上為之霽威柳庸謹問而壯之曰
不識蔡某作何狀乃能爾耶柳堪閔起文相語曰

世無君子者唯走蔡一人而已

名臣錄

南家初與沈貞洪景舟等謀禍士林訖已定以為舉
事時不可不使本兵之長知之時李長坤為兵曹
判書無判義禁袞職其不在三往投刺以疑其心
乃於其夕使急脚持小簡招之曰國有大事可即
八來長坤家在興仁門外騶從已散蒼黃借馬於
友人到景舟等所會處猶未詳其事之曲折及詣
閣門外始知撲殺光祖等之議惕然入對榻前
力諫以為不可昏夜加人重罪有若行盜賊之事
請召首相鄭光弼訖之景舟欲勸上速決作起
勢長坤輒掣其袖以止之是日得緩獄事長坤之

力為多終為袞等所擠削爵出外長坤氣度卓犖
有文武才中廟思復用給職牒群小還泥之竟

廢錮而卒

東閣雜記

趙靜菴光祖下獄柳雲代為大司憲啓曰此人等見
上親信徒知赤心為國而不知物情之違忤此上
之待之者誤也一朝棄之如草芥誰復信上之心
哉又曰刑人於朝與衆共之當光明正大而不可
以詭秘也聞之此事乃出於奸邪之徒密啓之
之禍古書昭々有之此宗社危亡之漸也公卿
大臣當推究其事以身當之而莫敢開口時事可
知臣雖就職無復有為也敢辭與諸金諫俱辭職

退去 上命召就職又辭曰臣等百計不可就職
不就職故不合者為諫長而時未論啓且都承旨
金謹思右承旨成雲俱是不合者盡去前任之人
以物論不容之人苟充其位不可在職也又曰初
謂邪類蜜啓今聞有自 上蜜諭於洪景舟云今
趙光祖等羽翼已成矣嘗於前日請設賢良科予
意以為甚好到今思之蓋欲樹羽翼而為此也今
欲盡除去賢良科之人但以卿之壻金明胤亦在
其中故不果耳此言已騰播人口以人主之勢加
罪二三書生亦有何難而昏夜之間秘蜜為之若
是乎外視親信而內懷翦除之心此危亡之兆也

臣等不勝痛哭

黃說記事

權文忠公擢臨利害遇事變義形于色勇決如賁育
當忠順堂尹任等論罪時通夜草啓子堦泣諫輒
麾去之至闕申公光漢相遇并行問知公意愕然固
止之公不聽詣院相座招注書：啓辭晦齋在坐
亦驚曰勢已至此徒惹起不測耳盡抹去危言公
却坐抱膝曰刪沒如此不如不為之為愈也

名臣錄

宣廟時女寵浸盛洪暹朴大立等為考官以王素請
勿受王德用所進女口為表題其後暹等入侍經
筵上從容言曰頃日試題未知誰所出也人臣
之道當諫則諫豈可如此存形迹乎予有憾焉大

立對曰試題臣所出也人臣進諫不一其道有正諫者有諷諫者有譎諫者莫非出於愛君也上曰卿言誠是然當以正諫可也大哉王言此所以為宣廟初之盛也

活溪記聞

朴文忠公淳已丑以吏曹叅議移長諫院慨然曰劾冀斬憲挽回世道吾責也死職耳因訪大司憲李鐸曰吾欲正元衡罪須公贊成鐸縮頸曰公欲赤老夫族也公徐譬之鐸許之公甚喜馳還不暇解衣取燭草彈辭翌日兩司並劾明廟不忍於母后遲回者月餘公爭之愈力竟得俞允元衡既逐左相沈通源猶居政府士心頗忤亦相繼而黜百

姓歌舞於道閭里之間挾書為儒者稍益發舒始
乃公言父子君臣之道咸知順此則為君子逆輒
危辱不齒沛然有嚮道之志引領而拱俟者群興
焉於是選六行之士復枉死之官凡舊政之蠹國
病民者一皆流滌而退溪南冥唱於嶺外高峰大
谷興於湖中牛粟諸賢次茅絀起為之後焉而張
本之者皆公之力也

行狀

辛副學應時甲戌正月陞拜同副承旨隨事覆逆忠
益甚多上命進黃蠟數斤公極諫以為凡上供
之物無非出於生民膏血當初詳定本有其數一
歲之入自足以供一歲之用或於經用之外少加

毫分則其歲必至加賦於民一加之後更成舊例
民將不堪昔宋仁宗日夜飢思燒筆恐後規例而終
不索況此物御供日例之外更無可用之地故外
人或云聖上欲輸於鑄佛之用此雖必無之事
而臣竊歎殿下取索若是之多以來群下之疑
重貽生民之弊也時天顏不怡玉音甚厲公不為
屈從容開導而與栗谷李先生先後爭論終得回
天宦官輩有橫濫之漸公據例防塞宦官側目之
狀行

宣廟畧內索黃白蠟三百斤外言喧騰以為宮中鑄
銀佛栗谷知諫院章同僚爭之連日且請所用

上怒批曰劫問君上所用是可忍孰不可忍也奇
高峯大升為丞自封還批辭傳曰此非政院阻
撓之事也栗谷辭職請退至曰殿下謬引經傳
以折諫臣是殿下平日讀書之功只為拒諫之
資而已上震怒許之政院又言不可使諫臣獲
譴而斂傳曰人各有心不可抑也蒼松為友麋
鹿為群豈非高節歟蓋上好夜讀書尚方所進
蠟燭多烟以白蠟無烟欲於宮中別造而外人誤
傳故激天怒云栗谷退斂海州未久以副學召還
遂受知遇一年超拜贊成言聽計行方倚以為相
未及而卒

栗谷先生庚午又拜校理時白公仁傑上疏請雪乙巳巳卯之寃於是政府三司共論之猶未及削勲先生以為正名為政之本名之不正莫甚於偽勲乃於玉堂力主削勲之議一時名賢大臣亦或難之先生狎抗詎不撓凡玉堂四十一劄五六劄外皆先生筆也至丁丑母前日之詔竟得回天群情快之

行狀

李公命俊自江陵啟宗今上即位之八年也上疏極論時政闕失指斥上躬皆言人所不敢言又曰一二朝臣黃緣曲逞女子曲逞一啓亡國之兆請出之疏入上即出其女特除公大司諫

而已大臣因公䟽請治媒進之人 上恚辭旨已
巖朝臣皆惧公不拜命復上䟽言益切 上意感
悟手札慰勉 碑銘

功直

河東鄭文成公性鯁直屢批龍鱗光廟崇釋氏大臣承順至有親捧餅器以供佛者公獨不拜諸相責曰主上欲群臣皆屈已奉佛不可不拜公曰君父之外豈有拜者耶南方之人有投毒於水取秋生魚者纖微盡焉下令痛禁公進曰臣欲有言上曰何言公曰主上禁民漁獵如使歟蹄鳥迹交於國中則如之何哉上笑罰飲公一大鍾

諛聞
頌錄

鄭忠貞公昌孫乙丑擢執義慷慨骨鯁知無不言前此公之伯氏貞節公甲孫長憲府激濁揚清直道

不撓風節凜然人比之獨擊鵲今公正色立朝謇

諤亮直有乃兄風一時物論多之

行狀

權叅判景祐在弘文館論廢妃雖有罪不宜褻處閤

閣上震怒以為陰附世子為後日地命下牢獄

責詰備至公略不沮挫開陳誠悃援拯歷代人主

待廢妃事言益剴切上乃霽威只罷其職碑官記

李評事穆游大字言論慷慨志氣峻烈辨覈臧否無

所回互以此為流輩所推服成廟嘗有疾大

妃使巫女行禱設淫祀於泮宮之碧松亭公倡諸

生杖其巫而逐之平訢諸宮中大妃大怒俟

上疾瘳以告成廟陽慈命成均館悉錄其儒生

儒生以為必獲大譴爭亡匿公獨不亡匿成廟

尋召大司成教曰爾能導平諸生使士習故正子

用嘉之特賜酒尹弼商為相用事會天旱公上疏

曰烹弼商天乃雨弼商遇諸逢呼曰君必飲食老

夫肉耶公昂然不顧而去後尹弼商陰勸成廟

請慈殿奉佛公聞之又率諸生上疏論弼商奸邪目

以奸鬼請誅之成廟大怒親問公曰若何以斥

吾相為鬼公對曰所行如彼而人不知所以為鬼

上將下吏賴他相力救止謫公州自是直聲益振

矣墓誌

朴迂拙漢柱從仕畋觀之日訓導公取見章奏且聞

任權

進說太直戒之曰吾甚惧為後勿若是公對曰身

在言地豈敢隱忍以欺吾君以負所學哉

東坡錄師友

中廟辛卯歲金安老始自謫中來先遜李復古朴茂

曹等靜容亦被斥退蓋以骨鯁憚之也及丁酉服

罪之後諸賢次之進用靜容居於經席進曰方安

老在朝小人之無狀者黨比為惡固其宜矣殿

下亦黨比使縱其惡何也中廟曰子不得辭其

責矣盛哉王言真萬世帝王之法也容人之直故

已之罪一舉而兩善具焉

丙辰丁巳錄

許洽方為掌令與權輒齊名當路惡其伉直金克幅

發於經筵曰許權詭激不情請黜之此意問於大

臣則可曉其情狀矣沈貞聞之詣闕遇許公破於
賓聽曰金克幅何自發此語吾將足其意公曰一
時利祿亦可愛也萬世名節獨可棄乎貞默然臣名

錄

李迺慶嘗遇鄭順朋語之曰公與原明交厚何至置
之死也順朋游辭荅之或尤迺慶曰虎前作舞人
皆危之何發此言也迺慶笑曰耳冷狡黠殺原明
者視為奇貨為子孫計也若害吾則徒得殺友之
名而無所利必不為也耳冷乃順朋字黃兔記事
沈二相士吉先君子少時交也方安老用事士吉與
茅士炯阿附之獲躋顯仕然以故舊時來訪先

君子毋面斥曰甬兄弟受國厚恩敢黨小人以誤
朝廷必斷甬頭後乃已乎遂背卧不言二公懷之
頗有異同

丙辰丁巳錄

明廟踐阼年尚幼冲政出東朝奸人李苞尹元衡等
乘時挾憾誅除尹任之黨以洩私憤以樹威權先
以慈殿密旨誘資全諫為一網打盡之計宋公
希奎為執義自知其事機言於同僚曰大臣有罪
當戮之內降密旨是豈盛世事乎猷納白仁傑曰
密旨之非吾當力論之是日兩司會于中學大司
憲閔齊仁極力勸行公曰我則寸判吾骨而碎之
有不從也因曰尹元衡以國元舅主張國論不能

引君於義反以陰囑國母減害忠良可乎今日必
先去此人然後國是可定矣坐中如金瑄朴光佑
諸人同拜相應攘臂大言意氣奮發凜不可犯大
諫金光準嚶嚶不能開一言而一時憐小之輩奔
走偵探潛形匿壁以聽其論訖或褒服登墉以覘
其行跡仁傑即赴闕直斥閔齊仁忤慈旨下廷
尉公自公退舍與家屬永訣而待罪會執義以下
只邇本職於是蒲朝風靡逢迎內旨冀事之必
諧金光準啗之以利曰惟我是從共保富貴無疑
也閔齊仁怵之以威曰爾何不識時議而忘身觸
忌如此耶許磁即曰內旨如此庸可勉從公終

始一心不肯循人雖斧鉞直前而不少沮撓矣

臣名

鄭公希登以劉方之資濟以正大之見直已而行奮
不顧時權奸如金安老而秉公之喪耦欲求為已
壻則曰寧不娶終身不可為權家壻斥而絕之儉
邪如陳復昌具壽聃而薦發甚力則曰他日誤國
必此人至於撤去座席而焚之李芑之凶險而時
訖以為可人陞為貳公則公首發其險側而劾正
之尹元衡之陰毒而服公之詔貽書願交則曰彦
平通書不過欲羅致我也寧為直死不可曲生竟
不折其封鳴呼有一于此猶足招戾抵觸機鋒若

是多也。宜公之不得免於亂世，豈不慟哉！時仁廟賓天，群小得志，跳踉膜腸，朝夕磨牙而公屹然特正言論，自如人或危之，而不少變焉。大司憲閔齊仁袖內旨，倡會於中學，將罪三大臣，左右失色，莫敢先發。公以掌令在坐，乃言曰：「進退大臣，朝家大事，豈可以內旨為也？」公立異。慈殿震怒，御忠順堂，集諸宰臣，訖三大臣，乃得罪焉。未幾，公見罷。於是三憾憤勢構害公，無不至。以李德應誣招拿鞠閣庭從容，就訊顏色不變。朴光祐同被拷訊，顧曰：「杖大於股，何以堪之？」發拜呻痛。公徐言曰：「死生有定，杖大小何必言。」梓宮在內，不可使哀。

誌銘

楚之拜聞辭氣激烈在庭者莫不洒然臨訊必向
梓宮伏地人莫不嗟服而芑反怒而瞪目曰若是
則其有赦乎連訊九十杖流龍川母夫人追及於
路曰汝好為正直之行以直獲罪何愧於心今當
永訣余宗無言道路聞之莫不嗟涕公即夕乃卒

李芑為二相鄭公希登主論劾遯論啓之夕往見鄭
順明於家林百岭詣其家方謀乙巳禍胎聞金隸
呵喝拜失色因措順明使之入幕接待公外室順
明問曰自何所來公曰自啓辭來順明初若不知
者然有何啓辭公以論劾李贊成為答則順明作

色曰何金主論有此妄舉公曰我宗主張順明佛
然不悅曰李不得為贊成何人得為辭氣不平百
吟入幕細聽公言即馳往李家具告其由李極憤
疾人皆危公二未嘗少動乙巳錄

明廟朝大司憲趙士秀與沈相連源同入經筵趙公
啓曰領相沈連源營造妾家極其宏侈至施丹墀
極為未便沈相拜謝曰趙士秀之言正中臣失

明廟慰諭及其退出沈相笑謂趙公曰微公之言
吾過益重矣還家盡洗其丹青時論贈之竹窓閑話

李孝翼公俊民幼而有異徵及長卓犖不為拘儒小
節八玉堂為修撰其於諫垣憲金蓋迭居而迭去

為時權倖盜棄萬首附趙公正色獨立以風裁自
持清訥黷之乙卯拜正言李栲為副提學始專恣
公欲奏劾之探喉其徒出公為寧邊府判官丙辰
遷拜黃海都事是後栲益張公甚常擠之外邊
巡路傍十餘年勁氣不少絀也

行狀

權判書克智居官一切裁以法遇事惟求當理屢膺
御史之命咨詢得宜彈舉無少避脩軍籍三載楮
胥斂手人不敢干私祇以鐵浮屠常於廷中面斥
上量狹上盛氣而教曰何事公歷數以對不少
沮上不加譴而出為北青判官士論惜之

碑銘

宣祖呂論唐太宗心術不正洪公聖民進言曰太宗

固不正然能用直諫致太平今 殿下誠無讓於
三代之君而若好問之德則或愧於唐太宗矣自
帝京還 宣朝問中朝有何事公曰 皇帝於會
朝日扶言者而言者絀踵我朝則雖名優待言者
而未見有直言人君之於言者面容而心誅之則
其害甚於杖矣聞者縮頸

名臣錄

朴

活塘東賢八侍經席時朝廷創設訓鍊都監欲行鳥
鏡法領相柳公成龍所建請也是日柳公於 上
前親作試放狀舉措頗不佳公即進曰今日 殿
下無望國家之中興也其以首輔親作放炮狀於
經席安有大臣体願如是而能中興者耶 宣祖

瞪視不答及罷柳公出語人曰今日朴某言誠是矣然古人言諸侯有爭臣不失其國此豈不足以中興乎時以為兩難

涪溪記聞

李公好閔丙申特拜大司憲駁王子容匿奸狀上

曰父子之間人所難言卿乃言之風采可尚

名臣錄

宣廟嘗問侍臣予可比古何主鄭以周對曰堯舜之

主也金鶴峰誠一曰可以為堯舜可以為桀紂

上曰堯舜桀紂若是班乎對曰聖質高明為堯

舜不難而有自聖拒諫之病拒諫自聖桀紂之所

以亡也上色變徒倚龍床左右震惧柳西厓成

龍進曰二人之言皆是也堯舜之比引君之辭桀

紂之言儆戒之意 上色霽賜酒而罷

紫海羊談

十二月 上召群臣八對司諫李幼澄進曰近自一
二年來宮禁不嚴朝著不靖苞苴盛排陷成風以
言其王子則奪人田地取人奴僕以言其宮禁則
賣官鬻獄牟利窺倖動拂人心怨言盈路群邪亂
政流禍士林不論賢不肖唯視議論同異遂使椒
房賤豎托勢厥妹朝廷是非亦得叅聞上下群情
崩潰已久大賊絪至無處不叛北道之憂前未有
聞 殿下遇變以來無一言自引為過但坐深房
惟事宴安郡臣罕接甚於平日以此形勢臣恐國
勢終必糜滅而後已 上俛首不答群臣仰見天

顏或青或紅皆聳懼不發一言而退壬辰日錄

成廟八年持平金彥辛論玄碩圭為小人比之盧杞

王安石上命致闕庭問曰欺罔罪當死爾今猶

以碩圭為小人耶當初所犯誤也彥辛曰臣非誤

執碩圭真小人也上曰爾謂碩圭為盧杞王安

石其比我於德宗神宗歟彥辛曰德宗用一盧杞

神宗用一安石碩圭則無二人之陰險奸邪而


殿下用之臣以為過也上曰殺諫臣者惟桀紂

也繫爾于獄者以爾固執耳予豈殺諫臣哉終不

效唐太宗聽諫浸不如初也爾遇可言之事其極

言之爾之慷慨不屈予甚嘉焉往就爾職命故

院饋酒



後自警編卷之六

孝友

成文景公石磷年六十慈氏亦年踰七十病革瞑目
不言者數日藥餌無效公焚香祈禱哀號幾絕俄
而慈母曰是何聲也侍者驚喜曰祈禱聲也慈氏
曰天見人賜几杖曰有子至誠如此可扶而起病
尋愈人皆歎文景孝誠之篤筆苑雜記

許政丞稠每遇父母忌必服母夫人手縫幼年所衣
碧色小團領流涕以致齋公兄周以判漢城府事
致仕公每政府合坐鷄鳴而必詣之詣必屏驕從
于洞口下車步入判府亦知公必至每夜整衣冠

張燈設坐身倚床以待公之至至必設小酌公徐
問曰今日府中有某事何以處之判府曰以某之
意理當如此公喜而退曰人樂有賢父兄此之謂
也

青坡劇談

金孝襄公孝誠莊襄公南秀之子也莊襄與妻吉氏
異居孝襄年四五歲有奴抱立棠樹下忽有雙鳩
來集孝襄曰瞻彼雙鳩雌雄並行吾父母各在東
西何耶仍泣下奴異之告吉氏亦泣鄉閭皆異之
公事母至孝公年五十七而吉氏卒廬墓喪祭一
出至誠物論多之

筆苑雜記

黃胡安公守身烈成公致身皆翼成公喜之子也翼

成在時兩相已為宰樞青坡劇談記翼成飯時兒
奴輩群擾至挽公鬚索食而公不呵云則居家似
一於寬柔矣待子第甚嚴罕言笑一日胡安兄弟
同在別閣兩雲驟下咫尺不通兩相謀入內舍度
不得便利則胡安謂烈成曰汝負兄也烈成方負
且行翼成見之曰當此之時第若投兄於地則其
殆矣烈成便投胡安於雲中衣巾盡污翼成始抬
然開笑兩相喜曰今日得大人一笑為幸大矣清
江瑣說

黃胡安公弟烈成公令從者竊摘園柿以歸邀公共
嘗歎其美及還園中實之鮮紅者盡矣方知見給

其相與歡譔多類此值世祖幸永膺大君之茅

聞之謂永膺曰吾兄弟友愛亦當如之

碑銘

俞應字性至孝凡可以慰母氏之心者無所不為與
兄應信俱以射獐名世發無不中家貧儲無擔石
而供母之具無不周瞻母常往來抱川田庄應字
兄茅常從行一日於母氏馬前翻身仰射鴈應弦
而倒墜於馬前母大喜

名臣錄

慶徵君諱迨字大有清州人冬月父病嘗欲食魚
君鑿冰置網不得魚泣曰古人叩冰而得魚今吾
置網而不得誠感固矣赤脫巾襪立冰穴經一夜
得烏鯉父又欲食辛甘菜君泣而菜忽生歸而食

其父父病愈及父歿居廬三年饘粥蔬果之羞一
依家禮事母定省年踰五十不少衰母歿又如喪
父時光廟徵辟不就主上之九年應聘為司
宰主簿召入內殿問曰聞卿家居叩水魚躍然乎
對曰冬月無魚之時父以為必不得設網以求甚
密幸而得之父喜謂孝感所致鄉里聞而不察亦
謂孝感所致臣實不能如此上曰卿讀幾書曰
四書二經上曰四書二經之中何語為第一義
乎對曰四書二經之中稱舜之大孝此臣之所欲
而不能者又稱周公之忠此臣之所欲而不能者
上嘉歎久之

清州有楊水尺三兄弟所行不類聞慶徵君事親有道棄其醬染恂恂然執子道亦昏定晨省喪親之日勺飲不入口居廬三年不進酒果喪畢之後三人同居盡得歡心相自戒曰幸有不類之行慶生負聞之不亦愧乎

以上秋江冷語

尹文孝公孝孫世家南原躬獵山水以供甘旨必與夫人身執以奉節日獻壽嘗自製一曲曰北有石山嶺南有智異山頓借兩山壽萬歲奉慈顏先自歌之遂起舞悅親之事雖兒戲無不為

名臣錄

姜應貞字公直號中和居恩津以孝行稱嘗母病三年不鮮帶藥必親嘗一日夢天神降庭謂公直云明日

來客必醫汝母病。明朝果有一少年名元義者。自
云居輪王洞。請宿公直館。之以母病。問之。少年果
知醫藥者。以少年言。試之。十五日病愈。後居父母
喪。一泛家禮。冬月裸跣。體無完肉。事聞。命旌表門
閭。蜀家丁役。秋江冷語

金副正虛光山君之子。性至孝。喪母。居廬。書孝經。喪
親。章於壁。日日對壁而讀。讀畢。嗚咽流涕。不自勝。
三載不少休。為人善笑。笑聲清亮。哀慘聞者。莫不
收淚。嘯齋叢話

金先生宏弼。母夫人性嚴。有禮法。先生每晨省拜於
堂下。或微有不怡。意必正色不言。先生惶恐俯伏。

不敢退盡起敬孝之道久方得其悅豫乃退
賢景錄

李脩撰希會內行純備孝友彌篤父母有病涕泣迎
醫親調甘旨夜朝不解衣冠滋久不怠兄弟遇疾
亦必涕泣以救或至遠唯握手損涕如介死生
儒師友錄

李正憲公潤慶常懷王哀之慟未嘗過西市路及貴
顯益傷養不及時過忌日哭祭哀慕若初喪然兄
弟間自謂知己當李公贅居必召與同處如大夫
人在家時相向對坐連日夜無倦出而反必相見
乃入私室
碑銘

處士成聘壽眉叟與茅弘文校理聘年仁壽文雅齊
名兄茅姊妹十餘人父母死三年之喪畢會兄茅
分財眉叟見物之有色者則曰與某奴之有實者
則曰給某其破碎罷劣者則曰此父母之意也我
其為之以妹李庭堅之妻無家又欲以本宅與之
諸茅固諫曰父母家舍傳之長子眉叟曰均是父
母之子我不可獨有家也即出所有綿布為庭堅
買家之資仁叟亦出家財助之二兄同心其微少
諸茅以次婚嫁一門之內人無間焉

青坡劇談

宋判書世珩早失怙恃鞠於王母鄭氏事之如母及
鄭氏病中解不赴會試之嘗糞以驗吉凶逮後心

喪三年於兄世琳亦事以父師及歿亦中鄉解不
赴會試躬自營墳廬墓心喪仕宦京師嘗自歎曰
雖有兄弟各在一方和樂且湛復何時耶或至投
淚如得異味伴來致之

清江小說

鄭正即浣事親極其敬愛承順悅豫靡不曲盡平生
不儲私財所獲多小盡獻之親任親所裁用在謫
中得時物必走人奉薦深痛先考非命未嘗過西
市街以家近是街移營仁王山下先立祠堂出入
必告雖風雨晨夜未嘗或廢竭誠奉祭尤盡其心
常恨無兄弟只有一甥友愛深至欲為同爨之計
立室規模亦擬而為之一庭之內怡怡如也

行狀

蘓陽谷二兄世恭世倫年皆八十餘公亦近八十接
屋而居子侄之居又多比隣晨夕過從以為常頗
有柳公綽昆弟之風公同伯氏老而喪室常備衣
服以進為諸兄先辨供具輪日通行次及子姪率
輿要致山耕水次嘯咏徜徉老幼扶攜久而不倦
聞者莫不歆艷

碑銘

洪文僖公彥弼家法甚嚴客至輒使景憲公候之公
冠服如寒士執子第禮甚謹或有不知其為公者
文僖既卒公執喪盡禮三年不出廬外朔望奠獻
一不令子第代之喪畢之後子第遇公生日欲以
絲竹娛之公止之曰前者為親設也何忍聞此目

泣下沾襟子第不敢更言

名臣錄

吳德溪健十一歲遭親喪方其疾革也日日跪庭再拜號泣而禱曰天子願活我父既笑盡哀攀呼不離殯側雖成人善居喪者無以尚之鄉黨隣邑相傳稱頌指為誠孝童子其後三遭憂服皆以能喪聞及丁外艱三年啜粥守廬哀號未嘗一到門外娒兄禹氏妻貪鄙冒利盡收家中器用賄賂移其家祭奠之需或至匱乏而無毫髮幾微見於辭色蓋篤友愛終始無虧官饋公俸必與以分時節酒食親進酌獻怡愉和樂不忍暫離娒亦感悔明廟昇遐先生行三年喪遵祭守哀一如父母喪親

戚知舊以先生有積病勸行權道先生曰吾自能
支方喪臣子之所自盡豈敢喪服而食肉乎過菴
羸損沉瘁夫人曰病重則父母之喪亦用肉汁蒲
朝無一人服喪者何為固執子亦不聽公守愚堂所記
宋圭菴隣壽孝友出於天性承顏色養靡不至母喪
一依朱文公家禮任情過哀所伏苫席因淚必腐
居廬有白燕巢幕其雛皆白人以為孝感所致名臣錄

金叅奉鳳祥嘗以兄弟不分異之義諗于母夫人曰
門表祚薄如此若復兄弟難居飢飽寒煖不與之
同其何以盡天倫之義况吾家既無娣妹兄弟三

人赤心相孚其於同居豈有難乎母夫人喜以尺布斗粟之謠加勸戒於是約為同室共爨之計日用百需莫不與之相均一家人不敢專一物以自私為其正倫理篤恩愛蓋已有古者張陳之遺意人皆稱之

東儒錄

李潯長事親至孝父嘗久病思食生獐求不得悒悒疾依仍承命往鄉乘曉越沙峴有獐死在道視之無傷處因還獻之且其隣人常見并傍子夜有火未知其然久乃知之乃李君汲水祈病之火也病

果愈

清江小記

曹文貞公植天性篤於孝友居親之側必有婉容以

善為養悅其心志衣柔膳甘亦莫不具其在服衾
慕泣血不脫經帶晨夜身未嘗不在几筵之側雖
違疾亦莫肯退就服舍祭必脩物烹調之宜滌拭
之潔不以獨任厨奴必躬親視之有吊慰者必伏
哭答拜而已未嘗坐與之語戒僮僕喪未終勿以
家事冗雜者來諭與弟桓友愛甚篤以為反體不
可解者也同居一塹之內出入無異門合食共被
怡怡如也捐家貲分與兄弟之貧乏者一毫不自
取遺事

趙龍門昱奉親極其孝家雖貧甚而甘旨之供極其
豐盛體質逢重而奉承之際極其敏捷晨夕展寢

必親為之不任婢僕小有疾恙遑遑汲汲憂形於色已有痛則雖苦不言恐其貽親之憂也事兄甚謹盡其愛敬日與相對出入必同養心堂公嘗有心疾雖至盛怒公委曲言之則即解便有和氣豈非友愛之所感者耶

遺事

近世名鄉以友愛見稱惟安相國瑄李相國浚慶兩家而已安相以敬為主於兄判書瑋事之如嚴父乘則下馬坐則必趨拜於床唯諾惟謹李相以愛為主於其兄判書潤慶友之如親朋坐則接膝卧則連枕相對言笑爾汝為戲兩相家風雖不同而皆為一時搢紳之所欽慕然潤慶之卒相公制服

悲痛終始如一安相之卒瑋吊哭無異平人似負
相公平生之厚瑋以此未免識者之議

松窩雜記

洪忍齋還居茅園有柿栗雜果每於成熟之節大夫
人乘小轎令諸孫扶持入園中諸孫摘果公着彩
衣奔走取拾獻于大夫人前如小兒之事夫人喜
而受之因設酒果盡歡罷女奴扶持果罷而先導
之公手折果枝行於夫人之前以悅其心

家譜

忍齋居憂衰絰苦塊每日鐘鳴起坐號慟就伏靈座
前待朝而退發朝時步至里門外諸宰相咸勸乘
馬不從聽天沈公礪城宋公泣而告曰豈有大監
至此之理乎况諸宰步隨亦可未安公不得已乘

馬而笑聲哀慘聞者莫不感泣諸宰不忍落還追
至江上而哭送之葬時奉玄纁哀慟之極無知役
夫莫不涕泣不忍見也居憂錄

金大憲繼輝事親極其孝晚年奉侍偏親尤盡其愉
婉喪葬祭祀一以家禮為法凡資用與兄弟共之
無所私視其子如已出婦氏與甥夫得心恙處事
顛忘且欲專家財多行乖戾之事公尽逆其所欲
竟得其歡心焉

行狀

退溪先生早失先子大夫人亦寡居窮甚其應舉決
科宗為便養計也適坐舅罪不許臨民之官未幾
大夫人下世每懷慕我風樹之感門人語及養親

之事則必感然悔罪人生日不設酒食子孫不得
飲壽觴惓然終夕察訪公若至宅入門則常讓先
生先生感然如不自容鞠躬而立曰何敢如是其
座也不必賓主必序座一席怡愉恭謹之容粹盎
於外望之令人生孝弟之心一日語及門生曰古
人事兄如事嚴父出入扶持居處奉養以尽子弟
之道今我只有一兄而未得尽其道可歎

東儒
友錄
師

順川君瑄生而粹美孝友出天居家處事動遵禮法
宗族鄉黨莫不敬服父母偕歿哀毀逾制三年悲
慕幾至滅性服闋又服素三年與兄錦川君第洪
川守友愛誠篤每月朔望則必會于宗家叅禮祠

堂上弦則會于本家下弦則會于洪川家必設酒
食終日怡愉定為拒式與錦川同赴他人燕會則
雖夜深必奉至其家脫衣覆衾安寢處而後乃
退錦川違疾憂形於色不脫衣帶救藥無懈及其
歿也哀戚備至期年之內不入私室

名臣錄

李孝翼公俊民內行尤淳備大夫人南冥處士植之
妹也性嚴難於承奉或時有不樂公怡愉嬉語以
娛悅之大夫人雖盛氣不得不為伸眉頭至今士
大夫類能道其語大夫人享年九十公亦白首左
右奉養靡不曲尽宛然孺子慕必俟大夫人就寢
而退鷄鳴問安然後赴公松江鄭相公居隣垣每

曉聞公履祥必起坐曰李判書詣大夫人所矣服
公至行每見必拜一夜風雪極寒公又宿醉未解
侍妾告公少休公泣曰是何言也母親年已高
雖欲長侍其可得乎其在外有奉大夫人書至者
雖奴隸必上坐饋酒食公可謂孝子之有深愛者
矣見諸婦必束帶子牙進見有時門庭肅穆有古
人家法

行狀

栗谷先生仲兄素稟迂踈每事招先生而使叟之先
生服役無怠位至二相執子牙禮惟恭門生問曰
伯生貧之命使子牙代為如何以先生三達之尊
執子牙祀無乃過恭乎先生曰父兄命我我豈敢

儼然使他子弟代勞乎大抵父兄之前過恭禮也
倘來之物非天性也位之高下非所論也况日月
如流兄歿之後則雖欲執祀其可得乎遺事

栗谷先生曰兄弟同受父母遺體與我如一身視之
當無彼我之間飲食衣服有無皆當共之設使兄
飢而弟飽弟寒而兄溫則是一身之中肢體或健
或病也身心豈得偏安乎今人兄弟不相愛者皆
緣不愛父母故也若有愛父母之心則豈可不愛
父母之子乎兄弟若有不善之行則當積誠忠諫
漸喻義理期於感悟不可遽加厲色拂言以失其
和也

栗谷先生九歲覽張公藝九世同居慨然慕之曰九
世同居勢或有礙至於兄弟不可離拆遂手畫兄
弟奉父母同居之圖又據前古忠賢事蹟題其姓
名以觀之行狀

辛副學應時性至孝自孩提已能色養叱咤之聲未
嘗發於親側大夫人中年多病長在床褥公與兄
弟七人奉侍湯劑晝夜不解衣嘗薰臉證夜必露
禱其居外喪哀過於禮節亦盡情文為其侍大夫
人也言語容色柔順和婉務悅其心其所居始嘗
稍踈以定省之不便移就傍側終日娛侍為與昆
季友愛篤至教諸弟不以嚴而以禮戒飭之辭溫

柔息切使自感動諸旁亦皆力學勵行家中什物
任其取用奴僕使用亦無彼此焉

行狀

牛溪先生少居貧養親劬身悴志務悅其心力營滋
味躬親漁獵不憚勞苦未嘗闕乏聽松先生患風
疾沈綿枕席先生晝夜扶持雖祈寒盛暑未嘗頃
刻難側至夜不退聽松恐其積勞生疾每令退休
于私室則不敢違志應時出戶外坐於簷下蒿席
之上屬耳窓間偵候氣息俟夜深睡着然後少退
假寐而衣不解帶向曉未明未及覺先往戶外坐
到天明乃入戶省候有若自私室始來者然及其
症勢危劇先生將斷指以療而自念手指人所常

見近者可嫌乃割股以進之如是者再而平生秘
之甚密未嘗語子孫故知之者絕鮮門人申公應
舉每言吾先生孝行世人鮮有知之者蓋先生早
以學行名世故不以一善見稱實則真孝子也又
有一名卿謂人曰斯人平日事親至孝國家當
旌表其門而厥後學問日進名蓋一世為儒林師
表故人不得以指名為孝云

東儒師友錄

金齋文起周言開城鑰器匠韓順緒之賢云事母孝
勤作鑰器以致稍潤解文字間以讀書作詩出語
奇偉一留守勸令為校生辭曰吾不作鑰器則老
母餓矣勤儉不怠器皆完善而不貳價是故售者

爭就之輒辭以分與他工曰吾何得專利為哉其族人貧不自聊與以已貲不責其價族人由此而致富終不受其貲曰汝家業成吾所喜也

件溪集

重峯先生自襁褓即知事親之礼父母有命則輒跪而聽受事繼母金氏盡愛敬之道金氏性嚴待先生頗少恩一日先生往省外祖母某氏某氏謂先生曰問汝繼母遇汝無恩因歷數之曰汝繼母某事如是某事如是云汝將何以保活予先生俯伏不對曰辭去過數月後復往某氏問先生汝久不來見我者何也先生對曰日者之來也祖母談我母氏事所不忍聞以故久不敢來也某氏大賢之

自是對先生不敢復言金氏事先生既失怙金氏
遇先生益嚴少不中意輒加譴責先生起敬起孝
期以底豫為心終身惕慄兢二未嘗一日而懈也
先生伏節以終金氏乃痛傷如已出晝夜呼泣每
歎曰寧馨人物世豈可復見子嗟子真我兒也厥
母氏特借腹以生耳金氏後先生八年乃歿平生
追悼先生如一日不少衰

遺事

李太醫招一日謁朴錦溪東亮公與南郭公聯床懽
語仍西平韓公第韓公問曰爾從何所來李以宗
對韓公稱公兄弟友弟不已曰余少時聞李浚慶
兄弟相愛甚篤一時傳美以為搢紳家法今世如

子龍兄。交友。惻之盛。當不減李公也。家錄

金僉知澹江陵人。性至孝。事二親。極其誠。躬營甘旨。朝夕侍側。四十餘年。不少懈。二親連逝。哭不絕音。杖而能起。以盃醑奠。而伏惟前袞。慟竟日。盃輒乾。人甚竒之。嘗上山浮石。欲作墓表。天方凍。不能施。厠公扶石而慟。石忽折裂。聲如雷。孝感之致。人皆嗟賞。朝廷三命官。皆不至旌門。復其後。後以七十方伯啓。聞特授堂上僉。知年九十而卒。識小錄

崔公沂。居家孝友。多人所難及。者俸祿半以八寡嫂。

孤侄之家。妻子不免困乏。仲兄貴而貧。僦屋而居。

公拆婦產。買宅以奉兄。歿推與其孤。碑銘清陰集

李文忠公廷龜孝友過人嘗奉親阻寇山谷無人處
數日不得食公適出見一老夫坐巖石上就告之
故解簞食以饋公讓其半不顧而去歸而奉議政
公得免於餓親命省婦經賊壘遇賊發三丸皆穿
衣笠以過不及身卒與婦相見歸報人以為神明
感祐

碑銘清陰集

趙玄谷續韓常言金沙溪學行風著當平生其大人
黃岡公為閔西伯拜妓蒲前沙溪未嘗一顧人已
祿之及黃岡以上价朝京沙溪求為子牙軍官侍
行為往返萬里每進食沙溪輒數其氣匙多少以
為憂喜自古孝者多矣安有以舉匙多少為憂喜

者耶其賢如此

南溪記聞

趙文孝公翼丁母憂悲哀之誠根於天性任情往行
不必全泥節禮卒哭後猶哀至笑夜寢遇感則輒
起坐飲泣嗚咽遂至於失聲號哭期而釋衰之後
猶朝夕笑二十七月吉祭而終其月不肉踰月乃
食猶不飲酒不復寢凡六閏月而遇盛冬乃復寢
平生酷好酒飲不辭醉自喪畢之後遂絕不復飲
其遷厝先夫人也公時年七十二歲而猶未明而
起入哭殯聽一日之內朝夕奠朝夕上食凡四時
行禮每哭涕淚交頤其上考墓又極哀哭觀者動
容興感孟子稱五十而慕者予於大舜見之况七

十而孺慕者乎是固觀者之所驟見而動容也

趙

克善三官記

閔丈言慎齋平生常侍寢於沙溪幾四十年應唯供給未嘗少懈當夜卧寢沙溪有所問慎齋必起坐冠帶而對其致勤於禮如此又當昏朝時家甚窶祭祀無以成樣每行時祭祭饌至有一位用乾石魚一尾者在誠不在物亦可為後人法

南溪記聞

教子孫

申文僖公槩居家廉潔聞節不行平生未嘗佞佛喪
祭一遵家禮待親戚故舊出於至誠僕隸有過不
加鞭笞雖子牙未嘗見其疾言遽色嘗書言忠信
行篤敬小心翼翼對越上帝十四字示三子而教
之曰爾輩宜當服膺勿失余非曰能之但士君子
之心當以此為的耳

行狀

俞先生孝通有子娶於皇甫政丞仁世俗娶妻其豪
富者必以珍寶盛之函擔以先導為禮物多者至
於三四函俞子亦以二函為禮皇甫氏促函入對
客聞之皆書冊也蒲坐愕然後皇甫氏謂俞曰婚

夕之函何用書冊俞曰黃金蒲籬不如教子一經
婚夕之函何以不用書冊子

青坡劇談

許文敬之兄曰周仕宦至判書有家法祀事一逆朱
文公家禮子第有過必告廟罰之嘗病不能躬行
祀事使文敬公撰之少寢改舊制判書公聞之曰
支子於宗家擅寢舊例是無宗子也怒而不見且
使閹者拒之文敬惶懼晝往其門坐到日晏不得
通夕又往又到夜深如是者累日方許接見家法
之嚴蓋如此

丙辰丁巳錄

匪懈堂以王子好學尤長於詩文書法奇絕為天下
第一又善圖畫琴瑟之技性又浮誕好古探勝作

無夷精舍于北門外又臨南湖作淡淡亭藏書萬
卷招集文士一時名儒無不締交無賴雜業之人
亦多歸之聞吾仲氏成有名忤人邀之仲氏往謁
賡賦亭中題詩詩語高絕遂敬待而送之期以後
再會大夫謂仲氏曰王子之道當閉門麾客謹
慎無他豈有衆人作朋之理其敗可待汝勿與交
其後再三招之竟不往未幾敗死一門皆服夫人
之藻鑑也慵齋善話

權文景公軫有兒子學書費紙夫人曰紙價高恐不
能繼文景曰烏是何言也有不肖子茅青樓沽酒
日費萬錢或耽於博奕遊畧狗馬花卉破壞家業

者甚多學書之紙其費幾何鄉無多談筆苑雜記

李文康公石亨天資寬雅秉心堅確平居無疾言遽色子孫雖有過失略不以聲色加之性又剛正無區區干請嘗戒子第曰宰相子第年少氣銳乍得美官便挾父兄勢不謹守官職遂犯邦憲貽憂父兄甚不可也汝曹當勤學立身以無憂乃父兄可行狀也

李翼平公克培平生不喜言人過戒子第曰物盛則必衰若等母或自蒲名二孫以守謙守恭曰處世之道毋過此二字名臣錄

金文敬公宏弼嘗訓諸子曰汝等心存敬畏毋教懈

惰人或議已功勿相較又引古語以誨之曰言人之惡如含血噴人先污其口汝等必以此為戒又教諸女曰異日往之汝家惟舅姑是順惟祭祀是謹至於麻絲組紃罔或不勤無敢多言以招人議事良人遇婦如必須敬慎財利之間尤不較多少推恐失兄弟懽心御婢僕以恩有過則教之教而不泛乃可示罰也

景賢錄

趙龍門昱教子孥慈而極嚴進退之節少有差失則必舉小學事親章使讀之而責之諄諄教以孝悌忠信之道曰人之為人不出此四者而為賢為聖亦在推而大之也立身揚名以顯父母雖是人子

之道而若以貪富利達為心則事親事君必不得
善其終而汝輩功宜戒之

東儒錄

慕齋金文敬公安國嘗教子第曰惟謙與恭是君子
威德汝輩固當佩服終身汝嘗見我以傲惰加人
言人過失乎寧死不顧聞子孫有此行

行狀

趙文節公元紀有先見之智嘗與甥侄洪議政子美兄
子趙大憲孝直書曰美之授閒真男兒事也叢怨
之地豈敢久處騎虎善下自古所難雖敗亦榮况
典簿閑雅之地乎直之被薦真希世事而誠可賀
也唯叟之無咎無譽足自安保雖無可謂之榮與賀
矣而其所以終至於無憂則信可樂也直之被薦

喜與憂駢敢有別叩玄薦在我用在天夫人特盡
其在我者耳盛名之下其實難副夫既有譽之者
則毀之者又從而擠之矣有譽則有毀此古今通
患也操履之慎於茲又難若色言枉驕害已敗身
之戒則吾於孝直不當警也唯吾之所憂則不在
是也凡人群居天地中不可以高飛遠走則必須
小同於俗庶免為衆所嫉昔杜祁公嘗戒門人曰
切當晦韜毀方瓦合無露圭角不然無益於事而
祇足取禍耳今吾之識不及於杜之涯涘而汝之
知有裕於杜之門人則宜不以此警於汝也然今
之時與杜之時又加邈然矣而世俗險巇又萬倍

焉。吾之所戒，豈無所見而然耶？去秋四館之議，亦其一驗也。當其時，不有一二君子沮而抑之，則其能無窘於硤者之鋒也。今聞被薦而求免於選用，汝之心必以為一繫名，輒恐不全所業而然也。然吾家世自先祖以廩謹自守，不計溫足而兄又早逝。汝之兄弟三人俱業儒，未成寡妹偏側，言可寒心。吾亦自甲子亂離來，盪家業幾盡，雖復見天日，猶以迂拙殆不能還成家業。轉輾僑寓，劬勸倍昔。今則邈守萬里，無意家事，辛苦萬狀，未易殫記。躬自不閑，况望顧他仕，不為貧而有時為貧為貪之仕，豈非今也？其特予以家貧親老，比不能專業，則

為有間矣况前聖以爵祿之辭至比於蹈刃凡人
之樂於好事安知不以此為矯情之謂耶此吾所
憂也然則是舉非喜也乃所以憂之也唯無咎無
譽真所謂保身之道也昔馬伏波在交趾為書以
戒兄子嚴敦今汝之所趨雖不類嚴敦而吾之所
以使汝曹欲不失令名成家業全門戶之意則未
始不同於馬將軍也敢以是警之云爾余讀此篇
有所感矣處衰世之道固嘗如此正與東漢鍾皓
意思相同然孝直方以聖賢事業自期豈肯以成
家業保身為心况死生禍福莫之致而至者乎卒
使公言有驗則天也

丙辰丁巳錄

許贊成殲常語諸子曰家世詩書冠冕相接至先君兄弟而益隆吾又不才位望已極雖以汝輩不好學為戒以理推之豈宜復顯只當讀書改過以免於世耳

名臣錄

晏尊錄云先君教余輩為學不可躐等初授童蒙須知幼學字說正俗篇皆誦然後令入小學次孝經次大學次語孟次中庸次詩次書次春秋次易次禮記然後令讀通鑑及諸史百家任其所之至於學射亦不禁嘗曰弓矢衛身之物不可不閑習況古之人以此觀德非博奕比也功之書字則曰書心畫也摸楷必端正草及篆亦須要精熟勸之握

筭則曰日用事物非此未易究其數位置不可以
傾側也高靈時嘗於暑月坐聽事詞訟就簡余與
仲受易先生於案上親探蓍布卦以教之

又曰為人子者不可不讀禮記平時不講求喪祭節
文至於倉卒寧茫然無所知以是淪於佛法惑於
巫覡世之人失慎終遠之義者每坐此也上同

嘗訓余輩以讀書之法曰讀書勿麁心大瞻容易放
過須仔細看破雖置文句做得不着力處要把翫
莫是有別意存無可疑然後讀過可也又曰讀書
勿為古人糟粕務要體認自家分內事窮而行已
達而治人一切以聖賢為法上同

先人嘗言世人以子為拙安知拙誠吾身之大寶子
固樂受汝亦吾兒觀汝所性亦必以拙聞者也無

辭焉

上同

具栢潭鳳岭教子茅和而宗嚴自在孩提準以義方
自飲食衣服以至進退容止一一照檢事之稍有
害理者雖微細必加禁絕書所持夾板曰整衣冠
尊瞻視謹言行戒酒色

行狀

松窩雜記玄慈山公嘗戒子女曰勤於自己之事而
懦於他人之役者人情同然臧獲之輩自少至老
逐日所役者無非他人事豈能事事致勤汝輩但
當恕護勿多詬怒也聞者以為名言

尚成安公常教子弟曰士之立心不可少容邪曲至
於科場發軔尤不可不以正出身若或暗相代借
終至於竊名則即是終身玷累不可改悔之過自
後雖有忠言讜論皆誣而已矣古人曰欲事君而
先欺君可乎以言甚好且代借者固不論設使試
院掛題而若渠輩所嘗宿構者則倩人請改若不
能改則便置而更製可也如不能更題則雖至曳
白吾心正矣舉場皆新製吾安敢隱點欺人自幸
宿構以賊吾心以欺君父子又謂子弟落第者私
子飲墨矐睡雖曰常事然若充其類則其弊馴至
於鄙夫之患失古人云豈有決得失於一夫之目

而為之憂樂哉如小科舉之得失猶以為欣戚
則他日立朝當大段立落其不為失性之歸者幾
希矣情莊說

退溪先生訓誨子孫必先以孝經小學書略通文義
然後及其四書循二有序未嘗躐等焉子孫有過
則未嘗峻責警誨諄復俾自感悟雖待婢僕而亦
未嘗恠怒嗔罵閨門內外怡愉肅穆無所作為而
萬事自理焉遺事

聽松成文貞公守琛卒前一日謂其子渾曰我死矣汝
以貧故常欲殖穀而葬親君子之於貧賤素其位
而已何至作如此事子慎勿為之名臣錄

鄭判書宗榮戒子茅曰吾未嘗以飲食罪人亦未嘗
求自便而貽害於人汝輩亦能以此為心則庶子

寡過矣

名臣錄

清江李公濟臣教子茅有恒言曰財物視之當如糞
土又曰學者而有富貴利達之心反不如不學之
為愈而子女求婚亦惟視家法如何耳

行狀

龜川君晬教誨子茅戒以奢侈勸以經學曰奢侈所
以喪身之斧介經學所以發身之根抵汝曹其勉
之

名臣錄

金鶴峰誠一戒子茅曰學者當以心學為先若徒以
學業為務則雖得一科其本心則先已汨沒於利

欲矣不可懼哉一日以劔贈曰汝等知所以贈劔
之意乎湏以斬斷義利之閑以別其取舍也行狀
朴退菴應男教諸子一以禮義每朔必聚于一室通
讀小學近思錄以及西山行義晦菴書節要回辭
洵其義理以究精微或使各言其志以發歸趣旁
及經史古人出處言行靡不精熟又曰讀論語貽
書戒之曰嘉言善行盡在此書汝等若勉服習
潛心體認則聖賢事業從此可尋至於富貴在天
非吾所竊望也遺事

洪慕堂履祥常謂子弟曰家世衰替至吾身榮遇若
此惟祖先積德之致汝等擇交遊慎言語勿以好

議論殖私黨為取名媒進之路名臣錄

卷之

一

目錄

一、論學之要

二、論學之方

三、論學之效

四、論學之弊

五、論學之益

六、論學之損

七、論學之樂

八、論學之難

九、論學之易

十、論學之貴

十一、論學之賤

賑親族

李判樞孫居家事親以孝處兄弟以友恩育諸族不
間踈遠疾病死喪救護備至常食于家者亦不下
數十人家儲屢空略不為意名臣錄

朴訥齋祥僦儻有大志己卯歲方為忠州牧靜菴罹

北門之禍一時士類無所敢公悉為經紀故金省

洞

世

李陰崖

軒

李灘叟

慶

俱往依之公一日來驪

江見金慕齋申企齋窮居見主牧安分公韓希公

乞米百斛貸而賙兩公還州亟以舡輸米依數償

安分公前輩之於朋友盖如此也

識

錄

韓松齋忠性輕財好施家有數百斛穀公從容諫其

父曰士君子不宜殖貨父曰汝言善矣任汝處之
公即聚窮族及鄉里之貧乏者盡散與之人皆感

歎

名臣錄

李司藝者慶兄子侄或有窮乏者賙之唯恐不及
以及遠族無不周遍故居家雖不至困匱亦無遺
儲常曰身不至飢寒可也豈必多積哉

清江一說

李忠簡公山甫甲午大飢親戚之窮餓者皆啟公公

分俸賑救至輟盤飧以哺之每食米嘗飽子身或

請加飧公歎曰此何時也喫飲幸矣敢望飽乎

名臣錄

漢陰李文翼公家素不乏俸祿且厚公於養親之外

未嘗留意生產散諸親舊以周貧窮寒遠族微

時故舊待之如初凡有所求盡力扶救

遺事

林觀察懽家業豐殖稍長白大夫人取舊券貧窮久
不償者悉焚之喜施如遇飢歲為粥食道路餓者
於相識加厚踈戚各滿意而去在郡散家積徧賑
鄉里貧交不事儲畜及啟行蕭然妻子不免內
困公裕如也

碑銘



